



Waar wi up an willen



■ Campushoogschool

De Hoogschool Emden/Leer is en Campushoogschool. Dat heet, dat all Boowarken, de daarto hören, an een Stee un neet over de hele Stadt verdeelt sünd. Dat bedüddt körte Paden un persönelke Anspraak. Wi setten uns för en krachtig Mitnanner in un daarför, dat all achter hör Hoogschool stahn. De Middelpunkt van uns Arbeit stahn de, de hier studeren. Uns Campus sall vull mit Leven wesen un en Rümte för opentlike Utnannersettens un wetenskuppelke Uttuusken.

■ Verantworten för de Gesellschupp un Bestand wahren

Up de verscheden Rebetten van uns Hoogschoolwark setten wi uns daarför in, dat de Gesellschupp up Dürte vöran kummt. Uns Studerenden sölen lehren, dat se sük för de Gesellschupp verplicht un tostännig föhlen. Hör Doon sall so utricht wesen, dat de Grundlagen för dat Vörankomen van de Gesellschupp erhollen blieven. Mit uns Försken muchen wi up de Rebetten Technik, Wirtschaft un Gesellschupp in all hör Klören helpen, dat Antworten up de grote Fragen van de Tokummst funnen worden. As Inrichten dragen wi daarto bi, dat sük de Idee, Grundlagen to wahren, in de Kuntrei fastsett.

■ Hoogschool as Drievradd för de Kuntrei

Wi treden för en technologiske, wirtschaftlike un soziale Futtkomen in de Noordwesten in. Uns Arbeit giff Anstöten för de Tokummst van de Bildungsregion Oost-freesland un helpt wetenskuppelke Nettwarken vöran. To glieke Tied vertreden wi uns Kuntrei up de Rebetten Bildung un Försken in 't Binnen- un Butenland. Wat een alleen neet schieren kann, berecken Hoogschool un Kuntrei daardör, dat se good tosamenwarken.

■ Verscheden Facken un Staaten mitnanner

De Tosamenarbeit tüsken verscheden Facken un verscheden Staaten sall utboot worden. Dit gelt för dat Lehren nettso as för dat Försken. An uns Hoogschool sall dat internationaal togahn un internationale Kultur beleevt worden.

■ Studerenden

Bit dat Lehren is för uns en umfatend un persönelk Beraden van de Studerenden heel belangriek. Wi muchen hör so utbilden, dat se hör Studium allerbest schieren un in Unnernehmens of Organisationen Upgaven mit Verantworten übernehmen können. To glieke Tied sall de Utbilden an uns Hoogschool daarto bidragen, dat uns Studerenden in hör persönelke Wassdoom düchtig anwinnen.

■ Mitarbeiderskes un Mitarbeiders

Wi finnen belangriek, dat de Mitarbeiderskes un Mitarbeiders achter uns Hoogschool stahn un setten uns för de Sekerheid van de Arbeitssteden in. De Kondiesjes an uns Hoogschool sölen dat för de Mitarbeiders mögelk maken, dat se hör Upgaven in de Richt up dat, waar wi up an willen, mit Künn un geern nakomen. As Grundlaag daarför kriegen se de nödige Freirüümten.